

च हिस्सा लैने लेई जम्मू-कश्मीर थमां 50 कोला मते नौजवान गेदे न। इस आयोजन च शिरकत लेई केंई मरहलें दी ताल प्रक्रिया च चुने गेदे एह नौजवान 10 बक्ख-बक्ख विषयें ते क्षेत्रें बारे अपनी फाईनल प्रस्तुति अज्ज प्रधानमंत्री हुंदे सामने देगंन- जेहदे राएं ओ अपने विचार- प्रतिभा- समर्थ ते विकसित भारत दे निर्माण लेई लोड़चदे सुधाव ते सलाह-मशवरे पेश करगंन- जिनेंगी राष्ट्र निर्माण च इस्तेमाल कीता जाई सकदा ऐ।

तोंआई केन्द्री मंत्री डाक्टर जितेन्द्र सिंह होरें नमीं दिल्ली अपनी सरकारी कोठी च जम्मू-कश्मीर ते लद्दाख थमां गेदे नौजवानें कन्नै गल्लबात कीती- जित्थे उनें इन्दे लेई विशेष धाम दा सरिस्ता कीते दा हा। जम्मू-कश्मीर दे विद्यार्थियें बड़े सोहार्दपूर्ण माहौल च डाक्टर जितेन्द्र सिंह हुंदे नै गल्लबात कीती- अपने विचार सांझे कीते। इस मौके दिल्ली च डुग्गर प्रदेश दी झलक साफ दिक्खने गी लब्बा रदी ही जिसलै मंत्री होर बच्चें कन्नै डोगरी गीत गुनगुनान

नौजवानें कन्नै गल्लबात करदे होई डाक्टर जितेन्द्र सिंह होरें विकसित भारत दे सफर च अगुवाह बनने लेई उंदा दिल बधाया ते आखेया जे स्हाड़े नौजवान गै अस्सल च राष्ट्र दे निर्माता न।

<><><><><><>

Satish VBYLD

युवा सेवाएं ते खेड्ड मैहकमे दे मंत्री सतीश शर्मा होरें नमीं दिल्ली दे भारत मंडपम च आयोजित “विकसित भारत युवा नेता संवाद 2026” च हिस्सा लैता। उनें युवा नवोनिवेशकें-नीति त्यार करने आहले कन्नै गल्लबाती कीती ते जम्मू-कश्मीर च स्टार्ट-अप- MSME-सैलसफा ते IT सैक्टर च मौजूद समर्थ गी उजागर कीता। मगरा उनें BCCI ढांचागत कमेटी दे अध्यक्ष रोहन जेटली हुंदे कन्नै मलाटी कीती ते जम्मू-कश्मीर च नमें क्रिकेट स्टेडियम बारे चर्चा कीती। मंत्री होरें केन्द्रीय मंत्री Jiten Prasada हुंदे कन्नै बी मलाटी कीती ते केन्द्र ते केन्द्र शासित प्रदेश दे तालमेल कन्नै तोड़ चाढ़े जा रदे प्रौजैक्टें दा जायजा लैता।

<><><><><><>

Prog. Announcement

आकाशवाणी जम्मू दे क्षेत्रीय समाचार एकांश आसेआ अज्ज 12 जनवरी गी राश्ट्री युवा दिवस-2026 दे मौके पर 30एं मिंटें दा इक विशेष कार्यक्रम प्रसारित कीता जाहग जेहदा विशे होग “अपने आपै गी जागृत करदे होई दुनिया पर अपनी छाप छोड़ना”। इस विशेष कार्यक्रम दा प्रसारण दपैहरी ढाई बजे कीता जाहग ते एहदे च स्हाड़ी परौहिनयां होडन जम्मू-कश्मीर प्रशासनिक सेवा दियां वरिश्ठ अधिकारी ते युवा सेवाएं ते खेडें सरबंधी विभाग जम्मू-कश्मीर दियां महानिदेशक अनुराधा गुप्ता जेहिइयां इस विशे पर अपने माहिराना बचार सांझे करडन। इस चाल्ली दे होर प्रसारणें लेई सुनदे रवो आकाशवाणी समाचार जम्मू मीडियम वेब 303 मीटर यानि 990 किलो हर्टज ते एफ.एम 100 अशारिया 3 मेगा हर्टज पर।

<><><><><><>

उपराज्यपाल मनोज सिन्हा होंरें कल लोकभवन च बाबा गुलाम शाह बडशाह युनिवर्सिटी राजौरी दी कार्जकारी परिषद दी 9मीं बैठक दी अध्यक्षता कीती। बैठका च युनिवर्सिटी दे प्रमुख शैक्षणिक ते प्रशासनिक मुद्दें गी पुट्टेया गया जिन्दे पर तफसीली सोच-विचार दे बाद केंई मुद्दें गी मंजूरी बी देई दिती गई। उपराज्यपाल होंरें युनिवर्सिटी गी निर्देश दिता जे अपने पाठ्यक्रम गी होर मता असरदार ते दिलचस्प बनाने लई एहदे च नमें सिरेया जान भरने गितें हुनर विकास पर आधारित विषय शामिल कीते जान। उनें स्लेबस च मजूदा समें दी मंग मताबक आर्टिफिशल इन्टेलीजेंस ते नमियें प्रद्योगिकियें गी बी शामिल करने दा आहवान कीता। एल.जी होंरें जिनें होर विषयें पर जोर दिता- उन्दे च जनजातीय बच्चें दी भलाई-बेहतरी-विद्यार्थियें दे दाखले दी गिनतरी च बाददा ते ई-आफिस गी लागू करना बी शामिल हा। एहदे इलावा एल.जी होंरें होस्टल-सोलर प्लांट ते इंडोर खेड्ड परिसर दा ई-सरिस्ते राएं नीह पत्थर रखेया।

<><><><><><>

CM -IndiaTrack

मुख्यमंत्री उमर अब्दुल्ला होंरें कल श्रीनगर च “द इंडिया ट्रैक 2026” च हिस्सा लै करदे विद्यार्थियें कन्नै गल्लबात कीती। द इंडिया ट्रैक विद्यार्थियें दी अगुआई आहली इक अंतराश्ट्रीय पैहल ऐ- जेहदे च एम.आई.टी.- हार्वड ते होरनें केंई अंतराश्ट्रीय युनिवर्सिटियें थमां विद्यार्थी हिस्सा लैंदे न ते जिंदा मकसद भारत दी सांस्कृतिक ते वैचारिक बन-सबन्नता गी जानना- समझना ते एहदे नै वाकफ होना ऐ। गल्लबात दौरान उमर अब्दुल्ला होंरें उन्दा

सुआगत करने दे बाद- उन्दे नै जम्मू-कश्मीर दी समृद्ध सगगोसार विरासत- इतिहास- संस्कृति- नवाचार दी छमता ते नौजवानें दियें आसैं-तांहगें गी उजागर कीता। मुखमंत्रि होरें आपसी मेलजोल बधाने- गल्लबात करने ते किट्ठै रलियै कम्म करने दी जरुरतै पर जोर दिता ते आखेया जे एहदे लेई कुलसंसारी सतह पर शैक्षणिक आदान-प्रदान मता कारी दा साबत होई सकदा ऐ। उनें नौजवानें गी आखेया जे ओ भारत दी प्रगति ते सगगोसार बनसबन्नता दे संदेशवाहक बनन।

<><><><><><>

Drone Rajouri

राजौरी जिले दे नौशहरा सैक्टर च कब्जा रेखा कन्ने लग्गदे अगेत्रे इलाके च संदिग्ध पाकिस्तानी ड्रोन दिक्खे गे। साहड़े जिला संवाददाता नै जानकारी दिती ऐ जे ड्रोन किश मिन्टें मगरा वापस परतोई गे। मगरा सुरक्षाबलें सरबंधी तरीकाकार अपनाए न। तपाशी अभियान चलाए जा रदे न।

<><><><><><>

Bhaderwah Winter Carnival

भद्रवार च 17 ते 18 जनवरी गी “मेगा भद्रवाह विंटर कार्निवल” आयोजित कीता जा रदा ऐ। इसदे आयोजन ते सुरक्षा सरबंधी हीलें दा डिप्टी कमीशनर हरविंदर सिंह- एस.एस.पी. डोडा संदीप मेहता ते गृह विभाग दे वरिष्ठ अफसरें सुरक्षाबले दी तैनात- ट्रैफिक प्रबंधन- आपातकालीन स्थिति कन्ने निबड़ने ते बुनियादी सहूलतें दी दस्तेयाबी दा बी निरिक्षण कीता।

डिप्टी कमीशनर होरें सारे सरबन्धी मैहकमे गी आपू-चे तालमेल बनाई रक्खने- सैलानियें दी सुरक्षा ते स्यालै आहले सैलसफा गी बढ़ावा देने पर चर्चा कीती।

<><><><><><>

Bhimgarh Fort

रियासी जिले दे ऐतिहासिक भीमगढ़ किले दी परानी शान बहाल करने दे कम्म जारी न। इस प्रोजैक्ट दा मकसद किले दी परानी शान बहाल करना- इस्सी इक प्रमुख सैलसफा आहली थाहर दे तौर पर विकसित करना ऐ। मुकामी लोकें इस जत्न दा सौआगत कीता ऐ ते आखेया जे इसदे कन्नै सैलसफा गी बढ़ावा थहोग। रोजगार दे मौके पैदा होगन ते खिते दी ऐतिहासिक मैहता गी उजागर करने च मदद थहोग।

<><><><><><>

Winter Vacations

स्कूली शिक्षा निदेशालय जम्मू आसेया समर ज़ोन हेठन पौने आले सारें सरकारी ते निजी स्कूलें दियें स्याले आहली छुट्टियें गी 14 जनवरी 2026 तगर बढ़ाई दिता ऐ। अधिकारिक आदेश मूजब एह फैसला खिते च बने दे मौसमी हालात ते घट्ट तापमान दे चलदे लैता गया ऐ। इन्दा मकसद विद्यार्थियें दी सुरक्षा गी यकीनी बनाना ऐ।

<><><><><><>

Dense Fog

जम्मू शैहर ते एदे आहले-दोआले दे इलाकें च अज्ज बड्डलै धनी धुंध पौने करी लोकें गी औने जाने च मुश्कल पेश आई। दूर तगर नजरी नेंई औने करी यातायात बी प्रभावित होआ ते गड्डियां चलाने आहलें गी खासी परेशानी पेश आई। आकाशवाणी समाचार कन्नै गल्ल करदे होई इक व्यक्ति नै आखेया.....(बाईट) मौसम विभाग नै पेशगोई कीती ऐ जे जम्मू खिते दी किश थाहरें पर धनी धुंध छाई दी रहोग। प्रशासन नै लोकें गी अपील कीत ऐ जे ओह सौहगे ते स्तर्क रौहन ते सारे सुरक्षा नियमें दी पालमा करन।

<><><><><><>